

Отанинг юрагига гулгула солиб қўйган Абулла Софиев пухта режа тузади. Унга асосан таниши Нуртожи Лутфуллаевдан университет домласининг ролини бажариб беришни сўрайди. Мўмай пул дарагини эшитган Н.Лутфуллаев унинг таклифига бажонидил рози бўлади...

7 бет

Орадан бир ойга яқин вақт ўтди. Бу орада Исмоил Раҳимовга нисбатан порахўрлик ҳолати бўйича айб эълон қилиниб, «гаров» эҳтиёт чораси қўланилгани маълум бўлди-ю, у бошини чангаллаб қолади. Юраги орқасига тортиб, жонҳолатда воситачини қидира бошлади.

8 бет

Mustaqillik huquq demakdir

# Ўзбекистон Республикаси



1997-yil 27-avgustdan chiqqa boshlagan

www.huquq-gazeta.uz

2015-yil 19-fevral, №7 (944)

Марказий сайлов комиссиясида

## Ўзбекистон Республикаси Президентлигига номзодлар рўйхатга олинди

Ўзбекистон Республикаси Марказий сайлов комиссиясининг навбатдаги мажлиси бўлиб ўтди. Унда Ўзбекистон Республикаси Президентлигига номзодларни рўйхатга олиш тўғрисидаги масала кўриб чиқилди.

Марказий сайлов комиссияси сиёсий партиялар томонидан тақдим этилган ҳужжатларни кўриб чиқиб, Ўзбекистон Республикаси Президентлигига номзодларни рўйхатга олиш тўғрисида қарорлар қабул қилди.

Ўзбекистон Халқ демократик партиясидан Хотамжон Абдурахмонович Кетмонов, Ўзбекистон "Миллий тикланиш" демократик партиясидан Акмал Холматович Саидов, Тадбиркорлар

ва ишбилармонлар ҳаракати — Ўзбекистон Либерал-демократик партиясидан Ислом Абдуганиевич Каримов, Ўзбекистон "Адолат" социал-демократик партиясидан Наримон Мажитович Умаров Ўзбекистон Республикаси Президентлигига номзод этиб рўйхатга олинди.

"Ўзбекистон Республикаси Президенти сайлови тўғрисида"ги Қонуннинг 28-моддасига мувофиқ Ўзбекистон Республикаси Президентлигига номзодлар Марказий сайлов комиссияси томонидан рўйхатга олинган кундан эътиборан уларнинг сайловда ташвиқоти бошланади. Шу муносабат билан мажлисда сайлов олдидан ташвиқоти тўғрисидаги масала кўриб чиқилиб, тегишли қарор қабул қилинди.

## ТАЙИНЛОВ

Ўзбекистон Республикаси Бosh прокурорининг 2015 йил 13 февралдаги буйруғига асосан Тухтабаев Абдукаҳҳар Абдусаттарович Навоий вилоят прокурори вазифасини бажарувчи этиб тайинланди.



А.Тухтабаев 1970 йилда Тошкент вилоятида туғилган. Маълумоти олий, 1996 йилда Тошкент давлат юридик институти тामомлаган. У дастлабки фаолиятини Тошкент шаҳар Мирзо Улугбек туман прокуратурасида иш ўрганишчилардан бошлаб, 1997 йилдан Яққасарой туман прокурорининг ёрдамчиси ва Юнусобод туман прокуратурасининг терговчиси лавозимларида меҳнат қилди. 1998 йилдан Тошкент шаҳар прокуратурасига ишга ўтиб, 2004 йилгача шаҳар прокуратурасида бўлим катта терговчиси, алоҳида муҳим ишлар бўйича терговчи, АМИБ катта терговчиси бўлиб ишлади. 2012 йилгача Тошкент шаҳар прокуратураси жиноятларни тергов қилиш бўлими бошлиғининг ўринбосари ҳамда мазкур бўлим бошлиғи лавозимларида самарали меҳнат қилди. 2012 йилдан ҳозирги пайтгача Мирзо Улугбек туман прокурори лавозимида фаолият юритган.



## Ҳақиқий ҳаёт мактабига йўл

Давлатимиз раҳбарининг 2014 йил 26 декабрдаги "Ўзбекистон Республикаси фуқароларини муддатли ҳарбий хизматга навбатдаги чақируви ҳамда белгиланган хизмат муددатларини ўтаб бўлган ҳарбий хизматчиларни Қуроли Кучлар резервига бўшатиш тўғрисида"ги Қарорига мувофиқ, жойларда йигитларни муддатли ҳарбий хизматга тантанали кузатиш маросимлари давом этмоқда.

Мудофаа ишлари бошқармаларига қарашли йигин пунктларда бўлиб ўтаётган тантанали тадбирларда Президентимиз раҳнамолигида мамлакатимиз мудофаа қудратини мустаҳкамлаш бўйича амалга оширилаётган кенг қўламли ишлар ўз самарасини бераётгани алоҳида таъкидланаётди.

Тадбирда хизматга йўл олаётган ўғлонларга мудофаа ишлари бошқармаси, хотин-қизлар қўмитаси, "Маҳалла" хайрия жамоат фонди, "Нуроний" жамғармаси, "Камолот" ёшлар ижтимоий ҳаракати вакиллари, она-оналар оқ йўл тилашмоқда.

Йигитлик бурчини аъло даражада адо этишга, она Ватан мудофаасига отланган бу ёшларнинг юз-кўзидаги шижоат, интилиш, жисмоний ва маънавий тайёргарликка ҳавасингиз келади. Улар давлатимиз томонидан билдирилган ишончини оқлашни, келажакда эл-юртга наф келтирадиган етук инсон бўлишни мақсад қилишди.

Шунингдек, жойларда ўтказилаётган маросимларда ҳарбий хизматга йўл олган бўлажак аскарларга эсдалик совғалари ҳам топширилмоқда.

Ўз мухбиримиз

## Иқтисодий юксалишнинг мустақкам таянчи

Давлатимиз раҳбари Ислом Каримов мамлакатимизни 2014 йилда ижтимоий-иқтисодий ривожлантириш якуналари ва 2015 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисида иқтисодиётимизда туб таркибий ўзгаришларни амалга ошириш, модернизация жараёнларини изчил давом эттиришда хусусий мулк ва хусусий тадбиркорликка кенг йўл очиб бериш устувор вазифа эканлигига эътиборни қаратиб, кўплаб қимматли фикрларни билдириди. Бу бежиз эмас. Зеро, ҳар қандай мамлакатнинг иқтисодий юксалишида хусусий мулкчилик ва хусусий тадбиркорлик алоҳида ўрин эгаллайди.

Мустақилликнинг илк давридан бошлаб Президентимиз томонидан давлат мулки шаклининг ташкилий-ҳуқуқий асосларини яратиш ғояси илгари сурилди. Ана шу мақсадда хусусийлаштириш жараёнларини босқичма-босқич амалга оширишга, тадбиркорлик фаолиятини қўллаб-қувватлашга қаратилган янги қонунлар, фармонлар ҳамда қарорлар қабул қилинди. Асосий Қонунимиз — Конституциямизнинг 53-моддасида хусусий мулк бошқа мулк шакллари каби дахлсиз ва давлат ҳимоясида таъкилий белгилаб қўйилди.

Мамлакатимизда иқтисодиётни ривожлантириш, ислоҳ қилиш ва эркинлаштириш миллий қадриятларимизни ўз ичига қамраб олган, узқоқи кўзлаб, пухта ўйланган тизим асосида амалга ошириб келинмоқда. Шуниси эътиборлики, бугун жамиятимизда ҳар бир инсоннинг таваққули, дунёқарashi, сиёсий онги, мулкдорлик туйғуси юксалиб бормоқда.

Барча соҳаларда олиб борилаётган ислохотлар, норматив-ҳуқуқий ҳужжатларнинг қайта кўриб чиқилиши, айниқса, тадбир-

корлар учун кўплаб қонуний имтиёзлар ва энгилликлар берилиши, турли текширишларнинг йилдан-йилга камайитирилиши самарали ишлаш имконини бермоқда.

Шу мақсадда биргина ўтган йилларда бир қанча қонун, фармон ва қарорлар қабул қилинди. Хусусан, янги тахрирда қабул қилинган "Тадбиркорлик фаолияти эркинлигининг кафолатлари тўғрисида"ги Қонун мазкур соҳадаги энг муҳим ҳужжатлардан бири бўлди.

Ушбу қонуннинг аҳамияти жиҳати шундаки, унда давлат органлари, назорат идоралари, шунингдек, банклар билан ўзаро муносабатларда тадбиркорлик субъекти ҳуқуқларининг устуворлиги принципи алоҳида қайд этилди. Унга мувофиқ, қонун ҳужжатларида тадбиркорлик фаолиятини амалга ошириш билан боғлиқ ҳолда юзага келадиган, барча бартараф этиб бўлмайдиган зиддиятлар ва ноаниқликлар тадбиркорлик фаолияти субъектининг фойдасига талқин этилиши белгилаб қўйилди.

Президентимизнинг 2012 йил 16 июлда қабул қилинган "Ста-

тистик, солиқ, молиявий ҳисоботларни, лицензияланадиган фаолият турларини ва рухсат бериш тартиб-таомилларини тубдан қисқартириш чора-тадбирлари тўғрисида"ги, 2012 йил 18 июлда қабул қилинган "Ишбилармонлик муҳитини янада тубдан яхшилаш ва тадбиркорликка янада кенг эркинлик бериш чора-тадбирлари тўғрисида"ги Фармонларида тадбиркорликка ара-лашувни камайитириш мақсади кўзда тутилган. Уларга мувофиқ, рухсат беришга оид 80 та тартиб-қоида, шунингдек, лицензияланадиган фаолият турларининг 15 таси бекор қилинди, молиявий статистик ҳисоботлар топширишининг шакллари ва даврийлиги қисқартрилди.

Яна бир муҳим янгилик шу бўлдики, Юртновоимизнинг 2013 йил 8 августдаги "Кичик бизнес ва хусусий тадбиркорлик субъектлари экспортини қўллаб-қувватлаш борасидаги қўшимча чора-тадбирлар тўғрисида"ги Қарори билан Кичик бизнес ва хусусий тадбиркорлик субъектларининг экспортини қўллаб-қувватлаш жамғармаси ташкил қилинди.

Бундан ташқари, Вазирлар Маҳкамасининг 2013 йил 25 ноябрдаги "Тадбиркорлик субъектларини Интернет тармоғи орқали давлат рўйхатидан ўтказиш механизмининг жорий этиш чора-тадбирлари тўғрисида"ги Қарорига асосан, 2014 йил 1 январдан бошлаб тадбиркорлик субъектларини Интернет тармоғи орқали давлат рўйхатидан ўтказиш механизми жорий этилди.

/Давоми 3-бетда/





















ХУРМАТЛИ ЮРТДОШЛАР!

## «Асака» банк

2015 йилнинг «Кексаларни эъзозлаш йили» деб эълон қилинганлиги муносабати билан қуйидаги миллий валютадаги муддатли янги омонат турини таклиф этади:

## «ҚАДРИЯТ»

Ушбу омонатга ҳисобланган фоизлар ҳар ойда ёки омонат муддати тугагандан сўнг берилади.

Шу билан биргаликда, «Асака» банк миллий ва хорижий валюталардаги қулай шартларда 90 дан ортик омонат турларини таклиф этади. Омонатларни банкнинг барча филиалларида расмийлаштириш мумкин. Мурожаат учун телефонлар: 120-39-81, 120-39-60, 120-39-63.

| Филиаллар              | Код | Телефон   | Филиаллар                 | Код | Телефон   |
|------------------------|-----|-----------|---------------------------|-----|-----------|
| Тошкент шаҳар филиали  | 371 | 120-83-13 | Наманган вилоят филиали   | 369 | 226-94-75 |
| Автотранспорт филиали  | 371 | 120-39-95 | Навий вилоят филиали      | 436 | 223-54-32 |
| Шайхонтоҳур филиали    | 371 | 140-39-36 | Зарафшон филиали          | 436 | 573-18-78 |
| Юнусобод филиали       | 371 | 221-80-67 | Бухоро вилоят филиали     | 365 | 223-71-94 |
| Сирғали филиали        | 371 | 258-67-49 | Бухоро шаҳар филиали      | 365 | 770-11-27 |
| Тошкент вилоят филиали | 371 | 120-84-13 | Самарқанд вилоят филиали  | 366 | 231-08-86 |
| Андижон вилоят филиали | 374 | 224-40-96 | Афросиёб филиали          | 366 | 221-77-56 |
| Асака филиали          | 374 | 233-13-69 | Қашқадарё вилоят филиали  | 375 | 221-12-93 |
| Фарҳод филиали         | 374 | 226-97-53 | Сурхондарё вилоят филиали | 376 | 770-82-12 |
| Фарғона вилоят филиали | 373 | 224-70-83 | Қорақалпоғистон филиали   | 361 | 770-60-59 |
| Марғилон филиали       | 373 | 237-12-37 | Хоразм вилоят филиали     | 362 | 226-97-78 |
| Олтириқ филиали        | 373 | 432-10-11 | Сирдарё вилоят филиали    | 367 | 225-44-03 |
| Кўкон филиали          | 373 | 552-61-04 | Жиззах вилоят филиали     | 372 | 226-43-11 |

Барча омонатларингиз Фуқароларнинг банклардаги омонатларини кафолатлаш фонди томонидан кафолатланади.

Сизнинг омонатларингиз:

- солиқлар ва мажбурий тўловлардан озод;
- маълумотлари сир сақланиши тўлиқ кафолатланади;
- эгалик ва тасарруф ҳуқуқи ўз ихтиёрингизда;
- миқдори чекланмаган.

«Асака» банк сармоянгиз сақланиши ва кўпайишини кафолатлайди.

Хизматлар лицензияланган



## Замонавий технологиялар хизмат кўрсатиш даражасини оширмақда

Бугунги кунда «Агробанк» томонидан жойларга ўрнатилган терминал, банккомат ва инфокиоскалар сони 24747 тага етказилди. Тарқатилган пластик карточкалар сони 2 млн. 766 мингдан зиёда ташкил этади. Банк мижозлари «Click» ва «SMS-to'lov» хизматларидан кенг фойдаланиб келмоқда. Айни пайтда муассасанинг биргина «Мобил-банкнинг» хизматидан 190 мингдан зиёд мижоз донимий равишда фойдаланмоқда.



Президентимизнинг Ўзбекистон Республикаси Вазирлар Маҳкамасининг мамлакатимизни 2014 йилда ижтимоий-иқтисодий ривожлантириш якунлари ва 2015 йилга мўлжалланган иқтисодий дастурнинг энг муҳим устувор йўналишларига бағишланган йиғилишидаги маърузасида ўртага ташланган вазифалар, хусусан, аҳолига хизмат кўрсатиш сифатини янада яхшилаш, қишлоқ жойларда алоқа хизмати, банк-молия ва коммунал хизматлар соҳасини ривожлантириш мақсадида «Агробанк» акциядорлик тижорат банки томонидан «Мобил савдо» деб номланган янги хизмат тури жорий қилинди. У банк пластик карталаридан фойдаланувчи барча мижозларга таклиф этилмоқда. Ушбу хизматнинг аҳамиятли томони шундаки, эн-

диликда нафақат онлайн пластик карточкалар, балки офлайн тизимида ишлайдиган DUET карталар орқали ҳам мобил савдода тўловларни амалга ошириш имконияти яратилди.

Мазкур хизматдан юридик ва жисмоний шахслар ўз мобил алоқа воситаси ёрдамида (бунда Интернет тизимига улашиш талаб этилмайди) савдо ва пуллик хизмат кўрсатиш шохобчаларида тўловларни USSD хизмати орқали амалга оширадидлар.

Бунда чакана савдо ёки пуллик хизмат фаолияти билан шуғулланувчи савдо шохобчалари сотувчилари мобил телефонлари орқали «Агробанк-клик» хизматига уланган мижозлардан тўловларни «Мобил савдо» асосида қабул қилиб, ўз маҳсулот

ва хизматларини сотади.

Хизматдан фойдаланиш оддий бўлиб, унда сотувчи кўрсатилган хизмат учун тўлов суммасини сўровнома тарзида хариддорнинг уяли телефонида юборади. Мижоз эса мазкур сўровномани тасдиқлайди. Унинг энг афзаллик томони вақтни тежашидадир.

Мазкур хизмат турига улашиш учун савдо шохобчаси «Мобил савдо» хизмат турига улашиш тўғрисида ариза билан мурожаат этиши зарур бўлади. Шунингдек, савдо шохобчасининг аризасига мувофиқ Банк билан савдо шохобчаси ўртасида шартнома тузилади.

Айни пайтда «Агробанк»нинг барча филиаллари қатори, Андижон вилоят бошқармаси томонидан ҳам ушбу хизмат учун барча расмийлаштириш ва дастурий таъминот ишлари ниҳоясига етказилиб, дастлабки синов амалиёти ҳам ўтказилди.

Маълумот ўрнида келтириб ўтамиз, банкнинг Андижон вилоят бошқармаси томонидан аҳоли ўртасида тарқатилган пластик карталар сони ҳозирги кунга келиб 223 минг дон-

ни ташкил этиб, 80 минг донаси янги «On-Line» карталарни ташкил этади. Хўжалик юритувчи ва яқка тартибдаги тадбиркорларга банк бўлимларида корпоратив карталар бериб келинмоқда. Банк ҳозирги кунда янги хизмат турларини, яъни «On-Line» карта фойдаланувчилари учун янги «UZCARD-CLICK» хизмати жорий қилинмоқда. Бу хизматнинг афзалликлари шундаки, «UZCARD-EMV», яъни «On-Line» картага келиб тушаётган, чиқиб кетаётган маблағлар тўғрисида уяли телефонингизга мунтазам равишда ахборот келиб туради, бундан ташқари, коммунал тўловларга, хусусан, уяли алоқа воситаларига маблағ тушириш, Интернет, солиқ ҳамда электрон имзо олиш учун тўловлар ўтказиш имкониятини беради.

Банкомат, инфокиоска, терминалга картангизни солмасдан ёки банк бўлимига бормасдан уяли телефонингиздан «UZCARD-EMV», яъни «On-Line» картангиздаги қолдиқ маблағни ишлатиш имкониятини беради. □

Банк матбуот хизмати  
Хизматлар лицензияланган

### Ўтганларнинг охири ошад бўлсин

Тошкент вилоят прокуратураси жамоаси Юқоричириқ туман прокурори ёрдамчиси Гайбулла Мавлоновга волидаи муҳтарамаси **Лазират онанинг** вафот этганлиги муносабати билан чуқур ҳамдардлик изҳор қилади.

Бухоро вилоят прокуратураси жамоаси Бухоро туман прокурори Алижон Қиличевга онаси

**Фароғат аянинг**

вафот этганлиги муносабати билан чуқур таъзия билдиради.

